

春集六十四卷
外科鈔古方

武
596
40³⁹₁₂



門
武
596
卷
404

景岳全書卷之六十四春集

外科 竹鈴古方

會稽 張介賓 曾卿著

會稽 魯超 謙菴訂

外科

仙方活命飲一 治一切瘡瘍未成 膿者內消已成膿者即潰

此止痛消毒之聖藥也

川山甲 蛤粉炒黃 白芷 防風 天花粉

赤芍藥 歸尾 乳香 沒藥

貝母 皂刺 甘草 各一錢 金銀花

陳皮 各三錢

酒一碗煎數沸溫服

托裏消毒散二 治瘡疽元氣虛弱 或行攻伐不能潰散服之

景岳全書 卷之六十四

未成即消已成即潰腐肉即去新肉即生若腐肉既潰而新肉不能收斂屬氣虛者四君子湯為主屬血虛者四物湯為主氣血俱虛者十全大補湯為主地忌寒涼消毒之劑

人參隨證增減

黃芪煎水拌炒

當歸

川芎

芍藥炒

白朮炒

茯苓

金銀花

白芷各七分

甘草

連翹

各五分

右水煎服○陳氏托裏消毒散內多陳皮方在痘瘡○

秘方托裏散三

治一切瘡毒始終常服不致內陷

瓜蒌大者一兩

當歸酒拌

黃芪

白芍藥

甘草各一兩

熟地

天花粉

金銀花

皂刺炒各一兩

右每用藥五兩以無灰酒五茶鍾入磁器內厚紙封口再用酒紙重封置湯鍋內蓋者至藥香取出分服直至瘡愈○立

齋曰此方藥品平易消毒之功甚大且不動臟腑不傷血氣不問陰陽腫潰屢用屢效真仙方也常治發背腦疽勢盛者更用隔蒜灸之若脈沉實大小便秘者先用疎通而後用此其功甚捷若火毒已退不作膿或不潰者更宜托裏潰而不飲及膿清者用峻補

神功托裏散四

一名金銀花散○治癰疽發背腸癰乳癰及一切腫毒或焮痛憎寒壯熱

金銀花

黃芪

當歸

甘草等分

右用酒水各一鐘煎至一鍾分病上下食前食後服之少頃再服一劑粗敷患處不問老少虛實皆可服若為末酒調服尤妙

參芪托裏散五

治瘡湯氣血俱虛不能起發或腐潰不能收斂及惡寒發熱者

人參氣虛多用之 黃芪炒 白朮炒 當歸

熟地 芍藥酒炒 茯苓 陳皮各一錢

右水煎服

參芪內托散六 方在痘疹七

治癰疽膿毒不化及潰後作痛

托裏養營湯七 治癰癧流注及一切癰疽不足之證不作膿

或不潰或潰後發熱或惡寒肌肉消瘦飲食不思睡臥不寧

盜汗不止

人參 黃芪炙 當歸酒拌 川芎

芍藥炒 白朮炒各一錢 熟地 二錢 五味子炒研

麥冬各五分 甘草各五分

水二鍾薑三片棗一枚煎七分食後服

托裏黃芪湯八 治癰疽氣虛作渴甚效

黃芪蜜炒六錢 甘草 天花粉各一錢

水二鍾煎八分頻服之○加入人參一錢亦可○若氣血俱虛

膿血大泄而作渴或兼發熱者宜用托裏養營湯

內補黃芪湯九 治癰毒內虛毒不起化及潰後諸虛迭見

黃芪炙 麥冬各一錢 人參 熟地

茯苓 甘草炙各七分 白芍藥 當歸

川芎 遠志各五分 官桂各五分

右每服一兩薑棗水煎服

托裏當歸湯十 治潰瘍氣血俱虛或疔熱內熱寒熱往來或

婦人諸瘡經候不調小便頻數大便不實等證但瘡瘍氣血

虛而發熱者皆宜服之久服亦收斂瘡口

人參 黃芪 當歸 熟地

川芎 芍藥各一錢 柴胡 甘草各五分

右水煎服

托裏健中湯十一

治瘡瘍元氣素虛或因涼藥傷胃飲食少

思或作嘔瀉等證

人參

白朮

茯苓各二錢

半夏

炮薑各一錢

黃芪半錢

炙甘草五分

肉桂三分

右薑棗水煎服

托裏溫中湯十二

治瘡瘍膿貴元氣虛寒或因尅伐胃氣脫

陷腸鳴腹痛大便溏泄神思昏憤此寒變內陷緩則不治

附子

炮去皮臍二錢

乾薑炒三錢

益志

丁香

羌活

沉香

木香

茴香

陳皮

各一錢

炙甘草

二錢

右薑水煎服

托裏益中湯十三

治中氣虛弱飲食少思或瘡不消散或潰

而不斂

人參

白朮

茯苓

炮薑

陳皮

半夏

各一錢

木香

炙甘草

各五分

右薑棗水煎服

托裏溫經湯十四

治瘡瘍寒濕皮毛鬱遏經絡不得伸越熱

伏營中聚結赤腫作痛惡寒發熱或痛引肢體若頭面腫痛

欬甚仍宜砭之

麻黃

升麻

防風

乾葛

白芷

人參

當歸

芍藥

甘草

蒼朮

各一錢

右水二鍾煎一鍾服臥煖處得汗乃散○或加柴胡

托裏益黃湯十五

治脾土虛寒水反侮土以致飲食少思或

嘔吐泄瀉等證

人參

白朮

茯苓

陳皮

半夏各一錢

炮薑

丁香

炙甘草各五分

右薑棗水煎服

托裏清中湯十六

治脾胃虛弱痰氣不清飲食少思等證

人參

白朮

茯苓

陳皮各一錢

半夏八分

桔梗七分

甘草五分

右薑棗水煎服

托裏抑青湯十七

治肝木侮脾脾土虛弱以致飲食少思或胸膈不利等證

人參

白朮

茯苓

半夏

陳皮各一錢

芍藥

柴胡

甘草各五分

右薑棗水煎服

托裏營衛湯十八

治瘡瘍外無焮腫內便調和乃邪在經絡

人參

黃芪

當歸

甘草炙

紅花

柴胡

連翹

蒼朮米泔浸炒

羌活

防風

黃芩各一錢

桂枝七分

右酒水煎服

托裏越鞠湯十九

治六鬱所傷脾胃虛弱飲食少思等證

人參

白朮各二錢

陳皮

半夏各一錢

山梔

川芎

香附

蒼朮各七分

炙甘草五分

右薑棗水煎服

定痛托裏散二十

治瘡瘍血虛疼痛之聖藥也

栗殼去蒂炒

當歸

白芍藥炒

川芎各一錢半

乳香

沒藥

肉桂各一錢

右薑棗水煎服

卷之六十四

右薑棗水煎服

內托復煎散

治瘡瘍吹腫在外其脉多浮邪勝必侵於

內宜用此托之

人參

白朮炒

當歸

黃芪鹽水炒

芍藥炒

茯苓

甘草炙

地骨皮

肉桂

防已酒炒

黃芩各一

防風二錢

右先以蒼朮一斤水五升煎去朮入藥再煎至二升終日飲

之

內托羌活湯

治腎癰堅硬腫痛兩尺脉緊無力

羌活

黃柏各一

防風

當歸尾

藁本

肉桂各錢

連翹

白朮米泔炒

陳皮各五分

黃芪鹽水炒

右水酒各一鍾煎八分食前服

內塞散

治陰虛陽邪乘襲患腫或潰而不斂或風寒襲

於患處血氣不能運行久不能愈遂成漏證

附子童便浸

肉桂去皮

赤小豆

炙甘草

黃芪鹽水炒

當歸酒拌

茯苓

白芷

桔梗炒

川芎

人參

遠志去骨

厚樸制各

防風四錢

右為末每服二錢空心溫酒下或酒糊丸鹽湯下或煉蜜為

丸亦可

中和湯

治瘡屬半陰半陽似潰非潰似腫非腫此因元

氣虛弱失於補托所致

人參

陳皮各二錢

黃芪

白朮

當歸

白芷各一錢半

茯苓

川芎

皂角刺炒

乳香

沒藥

金銀花

甘草節各錢

右水酒各半前服

補效酒煎散二五

治一切瘡瘍能托毒散毒其效如神

人參

沒藥另研

當歸尾各一兩

甘草三錢

括萋一個半

右以酒三碗煎二碗分四服○或以爲末酒糊丸桐子大每

服五十九用酒下善消毒活血

人參黃芪湯二六

治潰瘍飲食少思無睡發熱

人參

白朮

蒼朮

麥冬

陳皮

當歸

升麻各五分

黃芪一錢

黃栢炒四分

右水前服

黃芪人參湯二七

治潰瘍虛熱無睡少食或穢氣所觸作痛

黃芪

鹽水炒二錢

人參

白朮

蒼朮米泔浸炒

當歸

酒拌

麥門冬

五味子炒一錢

甘草炙

升麻

神麴炒

陳皮

各五分

黃栢酒炒三分

水二鐘薑三片棗一枚煎服

黃芪建中湯二八

內托癰疽諸毒

黃芪

蜜炙

肉桂

各三兩

甘草

炙二兩

白芍藥

六兩

右每服一兩薑棗水煎服

參朮補脾湯二九

治肺疽脾氣虧損久欬吐膿或中滿不食

必服此藥補脾土以生肺金否則不治

人參

白朮

各二錢

黃芪

半錢

茯苓

當歸

陳皮

各一錢

麥冬

七分

北五味

桔梗八分

炙甘草五分

右薑棗水煎服

參芪補肺湯 三十 治肺證欬喘短氣或腎水不足虛火上炎痰涎壅盛或吐膿血發熱作渴小便短澀

人參

黃芪

白朮

當歸

陳皮

茯苓

山藥

山茱萸

五味子

炙甘草

熟地黃

麥門冬

牡丹皮

各八分

右薑水煎服

益氣養營湯 三一

治懷抱抑鬱或氣血損傷四肢頸項等處

患腫不問軟硬赤白腫痛或日晡發熱或潰而不斂

人參

黃芪

當歸

川芎

熟地

芍藥

貝母

香附

茯苓

陳皮

白朮

柴胡

甘草

桔梗

各五分

右薑水煎服○口乾加五味子麥門冬往來寒熱加軟柴胡地骨皮膿清加人參黃芪膿多加川芎當歸膿不止加人參黃芪當歸肌肉遲生加白薇官桂

補陰八珍湯 三二

治瘰癧等瘡足三陰虛者

人參

白朮

茯苓

甘草

當歸

川芎

熟地

芍藥

黃柏

酒炒

知母

酒炒各七分

右水煎服

參朮薑附湯 三三

治瘡瘍直陽虧損或誤行汗下或膿血出

多失於補托以致上氣喘急自汗盜汗氣短頭暈泄瀉

人參

附子

炮去皮臍各一兩

乾薑

炮

白朮

各五錢

右作二劑水煎服

附子理中湯 三四

治瘡瘍脾胃虛寒或誤行攻伐手足厥冷

飲食不入或腸鳴腹痛嘔逆吐瀉

附子

人參

白茯苓

白芍藥各二錢

白朮四錢

右水煎服

六物附子湯三五

治四氣流注於足太陰經骨節煩疼四肢

拘急自汗短氣小便不利或手足浮腫

附子制

防已

桂枝各四錢

炙甘草二錢

白朮

茯苓各三錢

右作二劑水一鍾半薑三片煎一鍾食遠服

附子八物湯三八

治瘡瘍陽氣脫陷嘔吐畏寒泄瀉厥逆

附子炮

乾薑炒

芍藥炒

人參

炙甘草

茯苓各一錢

肉桂一錢

白朮二錢

右水煎食遠服

四物湯二七

治脾腎虛寒瘡屬純陰或藥損元氣不腫痛不

腐潰或腹痛泄瀉嘔吐厥逆及陽氣脫陷等證

人參

白朮

黃芪各三錢

乾薑炮

附子炮

甘草炙

陳皮

當歸各二錢

柴胡

升麻各五分

右酒水煎服如不應倍加薑附

薛氏加減八味丸二三八

治瘡瘍痊後及將痊口乾渴甚或舌上

生黃或未患先渴此皆腎水枯竭不能上潤以致心火上炎

水火不能相濟故煩躁作渴小便頻數或白濁陰痿飲食不

多肌膚漸消或腿腫脚先瘦服此以降心火滋腎水則諸證

頓止及治口舌生瘡不絕

熟地八兩酒

山茱萸酒浸

澤瀉蒸焙

白茯苓

牡丹皮各三兩

北五味四兩半炒

右為細末入二膏加煉蜜少許丸桐子大每服六七十丸五更初言語前或空心用鹽湯送下 此即陳氏加減八味丸也 方在補陣一二三

加味地黃丸 三九

治肝腎陰虛瘡毒或耳內痒痛出水或眼昏痰氣喘嗽或作渴發熱小便赤澀等證

熟地

山藥

山茱萸

白茯苓

澤瀉

牡丹皮

柴胡

北五味 各為末等分

右將地黃掐碎酒拌濕蒸爛杵膏入諸藥和勻加煉蜜為丸桐子大每服百丸空心白湯送下如不應加減八味丸當歸川芎散 四十 治手足少陽經血虛瘡證或風熱耳內痒痛生瘡出水或頭目不清寒熱少食或婦女經水不調胸膈不利脇腹痞痛

當歸

川芎

柴胡

白朮

芍藥 各一錢

山梔 炒一分

牡丹皮

茯苓 各八分

蔓荆子

甘草 各五分

右水煎服

加味敗毒散 四一 治足二陽經熱毒流於脚根焮赤腫痛寒熱如瘧自汗短氣大小便不利或無汗惡寒表裏邪實者宜之

羌活

獨活

前胡

柴胡

桔梗

人參

茯苓

枳殼

甘草

川芎

大黃

蒼朮 各一錢

水二鍾薑三片煎服

九味羌活湯 四二

方在散陣四四

治瘡瘍風熱鬱遏焮腫作痛或遍身作痛或拘急不利及頭痛惡寒脊強脉浮緊

加味羌活湯 四三

即前湯加金銀花連翹用解瘡毒

白芷胃風湯 四四

關緊急眼目瞶動

治手足陽明經氣虛風熱面目麻木或牙

白芷

升麻 各二錢半

葛根

蒼朮 米泔炒 各八分

炙甘草

當歸 各一錢半

草豆蔻

黃柏 炒

柴胡

藁本

羌活

麻黃 去節 各四分

蔓荆子

僵蚕 各三分

右水煎服

葛根牛旁湯 四五

葛根

管仲

甘草

豆豉

牛旁子

半生炒 各二錢

右水煎服

犀角地黄湯 四六

犀角 鎊為末

生地

牡丹皮

芍藥 各一錢半

黃芩 炒

升麻 各一錢

右水煎熟入犀角末服

犀角升麻湯 四七

鬚疽疔腮等證

治時毒或風熱頭面腫痛或咽喉不利或

犀角 鎊

升麻

防風

羌活 各錢半

白芷

白附子

黃芩 各一錢

甘草 六分

右水煎服入犀角末服

玄參升麻湯 四八

治心脾壅熱舌上生瘡或木舌重舌或連

元參

升麻

赤芍藥

犀角

桔梗 炒

管仲

黃芩 各一錢

甘草 五分

水二鍾煎八分入犀角末食後服

升麻黃連湯 四九 治胃經熱毒腮腫作痛或發寒熱

升麻 各一錢 川芎 各一錢 當歸 各一錢 連翹

黃連 各一錢 牛蒡子 各一錢 白芷 各一錢

右水煎服○若腫連太陽加羌活連耳後加山梔柴胡

秘傳 連翹湯 五十 治癰疽時毒腫痛焮腫

連翹 升麻 樸硝 各一兩 玄參

芍藥 白薇 防風 射干 各三錢

大黃 一兩二錢 甘草 各五錢 杏仁 八十個去皮尖

右每服五七錢水煎服下惡物後服內托之類

五香連翹湯 五一 治腦疽癰疽時毒邪氣鬱滯不行者

乳香 木香 沉香 丁香

香附 黃芪 射干 連翹

升麻 木通 獨活 桑寄生

甘草 各一錢

右水煎服

復元通氣散 五二 治乳癰便毒腫痛及一切氣滯腫毒或打

撲損傷閃跌作痛及疝氣尤效 木香 舶上茴香 炒 青皮 陳皮

白芷 甘草 貝母 去心 川山甲 各一錢

漏蘆 等分 一方有玄胡索白牽牛 炒 無白芷漏蘆

右為末每服二三錢溫酒調下

當歸散 五三 通經絡行血滯

當歸 川山甲 灰炒 蒲黃 炒各半兩 辰砂 一錢

麝香 少許

右為末每服三錢熱酒調下如不飲酒薄荷醋湯亦可

方脈流氣飲 五四 治瘰癧流注鬱結腫塊或走注疼痛或心
胸痞悶咽塞不利脇腹膨脹嘔吐不食上氣喘急欬嗽痰盛
面目四肢浮腫大小便秘

當歸

川芎

芍藥 炒

茯苓

黃芪 炙

炙甘草

紫蘇

青皮

烏藥

半夏 制

桔梗 炒

枳實 炒

防風

陳皮 各錢

木香

大腹皮

枳殼 炒

檳榔 各斤

水二鍾薑三片棗一枚煎八分食遠服

瘡科流氣飲 五五 治流注及一切毒怒氣結腫痛或胸膈痞
悶或風寒濕毒搏於經絡致成腫塊肉色不變或漫腫木悶
無頭

人參

當歸 酒拌

黃芪 炒

芍藥

官桂

厚朴 制

甘草

防風

紫蘇

枳殼

烏藥

桔梗 炒各七分

檳榔

木香

川芎

白芷 各五分

右水前服

陳氏獨聖散 五六

凡患瘡瘍皆因氣血凝滯宜服香劑蓋香能
行氣通血也如瘡初作便宜以此入茶飲之

香附子 薑汁浸一宿焙乾研末

右無時以白湯調服二錢○潰後以局方小烏沉湯為尤妙
乳香定痛散 五七 治瘡毒損傷血凝氣滯壅腫拘攣筋骨疼
痛

乳香

沒藥 各另研

羌活

五靈脂

獨活 各三錢

川芎

當歸

真綠荳粉

肉桂

白芷

白膠香 各半兩

右為末煉蜜丸如彈子大每服二九細嚼薄荷湯或酒送下
手足損痛不能舉動加草烏五錢鹽湯送下

消毒散 五八

治乳癰吹乳並便毒如憎寒壯熱或頭痛者宜
先服人參敗毒一二劑方可服此藥如無前證即服此藥三
二劑或腫不消宜服托裏散

金銀花

青皮

天花粉

柴胡

蠶蚕 炒

貝母

當歸 酒拌

白芷 各二錢

水二鍾煎一鍾食遠服如治便毒加大黃一二錢煨用空心
服

清熱消毒散 五九

治一切癰疽疔毒腫痛發熱作渴

黃連 炒

山梔 炒

油蔥

當歸

甘草 各一錢

川芎

芍藥

生地 各一錢半

金銀花 二錢

右水煎服

黃連消毒散 六十

治腦疽背疽焮腫疼痛或麻木

黃連 炒

羌活 各一錢

黃芩

黃柏

桔梗

藜蘆

防己 各五錢

歸尾

連翹

防風

獨活

知母 炒

生地 各四分

人參

甘草 各三分

黃芪

蘇木

陳皮

澤瀉 各二分

右水煎服

連翹消毒散 六一

治癰疽實熱諸證○亦名清涼飲亦即局

方涼膈散

連翹 一兩

梔子

大黃

薄荷葉

黃芩 各五錢

甘草 一兩半

朴硝 二錢半

右每服一兩水煎服

加味解毒湯 六一 治癰疽實熱大痛不止

黃芪 鹽水

黃連 炒

黃芩 炒

黃柏 炒

連翹

當歸 酒拌各七分

甘草 炙

白芍藥

梔子 炒各一錢

水二鍾煎服痛即止

解毒防風湯 六一 治斑疹或痒或痛

防風 一錢

黃芪

芍藥

地骨皮

枳殼 炒

荆芥 各二錢

水煎徐徐服

陳氏解毒防風湯 六四 方在痘疹五六

治痘疹毒氣熾盛

散腫潰堅湯 六五 治瘰癧堅硬氣血無虧宜用之

柴胡

黃芩 各四分

白芍藥 炒

升麻

連翹

黃柏 酒炒

蓬木

三稜 酒拌

乾葛

歸尾 各二分

知母 酒炒

龍膽草 酒炒

天花粉

桔梗

昆布 各五分

炙甘草 二分

右水煎服

瓜蒌托裏散 六六 治瘡瘍毒盛者未成則易消已成則易潰

既潰則生肌

黃瓜蒌 一個

忍冬藤

乳香 各一兩

蘇木 五錢

沒藥 三錢

甘草 二錢

右用酒三碗煎二碗空心日午臨睡分三服○或以此為末

酒糊丸彈子大硃砂為衣細嚼用當歸酒送下治打撲損傷

尤妙

萬金散 六七 一名內托散○治癰疽已潰未潰者有消毒破

血之功

括萋一箇 沒藥一錢 大甘草節一錢

右用酒二碗煎一匙去粗後八沒藥服

製甘草湯六八 治懸癰不拘腫潰亦治癰疽

用大甘草一兩切三寸長用泔水一碗浸透以慢火炙乾仍按前水浸透再炙至水乾為度却挫細用無灰酒二鐘煎七分空心服嘗有人患此已破服兩劑瘡即合○一國老膏方用大甘草二斤以河水浸取漿汁去粗用銀石器熬成膏磁碾收貯每服一二匙酒調服或水亦可尤解丹藥之毒○一方治癰疽用生甘草為末酒調服二錢連進數服自消

梅花飲子六九 癰疽初起服之可防毒氣內攻

川芎 乾葛 天花粉 黃芪

烏梅 甘草 蘇朮各一兩 忍冬藤四兩

右作四劑水煎服

牛膠散七十 治癰疽使毒不內攻不傳惡證有益無損

牛皮膠廣中明者四兩

右用酒一碗重湯煮化加酒服至醉不能飲者加白湯

明膠飲子七一 治一切癰疽瘡毒

明廣膠蛤粉炒 粉甘草各一兩 橘紅五錢

右作二劑水煎服

護心散七二 解金石砒硫發疽之毒

綠豆末一兩 明乳香半兩

右以生甘草煎湯調時時與呷務使藥氣常在膈間

清心內固金粉散七三 一名金花散○解毒清心流行氣血

散滯清火丸 煨腫熱痛飲食如常者大宜用之

綠豆四兩 硃砂另研 人參 甘草

白茯苓各三錢 朴硝另研 白豆蔻各五分 麝香另研

雄黃各一

冰片五分

右為末每服一二錢蜜湯調下

蠟礬丸 七四

一名黃礬丸○治金石發疽一切癰疽托裏止

疼痛護臟腑神效不問老少皆可服之

黃蠟

一兩黃色佳者溶開離火入礬末○一方止用七

錢

白礬 一兩明亮淨者研末

右二味和勻衆手急丸桐子大每服二三十丸漸加至四五十丸熟水或鹽湯送下日進二三服服至三四兩之上愈見其功矣○加服金石發疽別用白礬末一兩作三五服溫酒調下尤效○有人遍身生瘡狀如蛇頭名曰蛇頭瘡危宜服之○治蛇蝎毒虫咬傷熔化就塗傷處痛止毒出仍服兩許○此方不惟止痛生肌而已且護膜止瀉消毒化膿及內癰

排膿托裏之功甚大

千金化毒丸 七三

治諸惡毒

用白礬三錢糊丸以葱頭七莖煎湯送下則腫痛俱退再用仙方活命飲二劑以去其餘毒此本方原用礬末以葱湯調服因湯難服故易為丸○一方士治瘡疽不問腫潰尤用此藥二三服後用消毒藥甚效常治芻蕘之人用此即退不用托裏藥亦愈若金石毒藥發疽者尤效蓋礬能解金石之毒也○一方用礬末五錢硃砂五分熟酒下亦效此藥托裏固內止瀉解毒排膿不動臟腑不傷氣血有益無損其藥易得其功甚大偏僻之處不可不知此方或虫尤所傷溶化熱塗患處更以熟酒調末服皆效

五福化毒丹 七六

治咽喉牙口瘡毒腫痛並小兒一切熱毒

瘡癰驚揚煩躁口舌生瘡夜臥不寧等證

玄參 桔梗各二兩 茯苓三兩 人參
 牙硝 青黛各一兩 甘草七錢 麝香少許
 金箔 二十片

右為末煉蜜丸次實大每服一九薄荷湯化下○若痘毒上攻口齒生瘡以生地黄汁化服及用鷄翎掃付患處

奪命丹 七七

治疔瘡發背等證或麻木或嘔吐重者昏憤此藥服之不起者即起不痛者即痛痛甚者即止昏憤者即醒嘔吐者即解未成者即消已成者即潰有奪命之功乃惡證中之至寶也

蟬酥酒化 輕粉 麝香各五 枯礬
 寒水石燒 銅綠 乳香
 硃砂三錢 蝸牛二十個另研無亦可 沒藥各一錢

右為末用蝸牛或酒糊搗丸綠豆大每服二九溫酒葱湯

下或用葱白三四寸病者自嚼爛吐於手心包藥在內用熱酒和葱送下如人行五七里汗出為效重者再服一二九或外用一丸入瘡孔內以膏藥貼之

飛龍奪命丹 七八 治一切疔瘡毒瘡出汗則愈神效

乾蟾酥二錢 硃砂
 雄黃各二錢 乳香 血竭嚼成餅
 枯礬各一錢 輕粉 冰片各五分 蜈蚣一條去頭
 蝸牛四十九個研為膏或無亦可

右各研為細末取蝸牛蟾酥研勻入諸末熟杵丸綠豆大硃砂為衣每服四五丸嚼葱白一口吐在手心將藥包葱內用溫酒吞下須臾汗出或少吐瀉毒即解

立齋日前回生丹乃慄悍攻毒之劑也蓋無經不至無氣不動者後奪命丹尚緩若食一切禽畜野物及瘡脉浮緊細數

毒苗在內並惡毒證凡宜汗吐者當用前丹有神效若老弱之人或瘡毒稍輕者宜用後丹或以隔蒜灸之為良
回生丹 七九 李願顏先生口授非泛常之藥萬寶之秘專治一切疔毒並有神效

金脚信 明礪砂 明乳香 半夏
上紅丹 各五分 巴豆肉 不去油 明雄黃 大南星

南硼砂 錢各一 大班貓 十五個去頭足翅

右為細末旋取蟾酥和丸麻子大硃砂為衣每服十五丸好酒下看瘡生上下食前後服能飲者至醉為佳凡腫毒失治毒氣入腹用此藥能起死回生服藥後吐瀉俱作乃甦通氣散 入十 治時毒腫甚咽喉不利取嚏以泄其毒

玄參 一錢 牙皂 川芎 各一錢 藜蘆 五分方無此
羊躑躅花 二錢

右為末用紙撚蘸少許入鼻內取嚏為度○按此方止用皂角川芎北細辛三味即可亦不必藜蘆躑躅之毒品也總不若通關散為妙方在 困陣九十八

梔子仁湯 八一 方在 寒陣十九
治發熱狂躁咽喉腫痛

六味梔子仁湯 八二 治時毒腫痛大便秘結脈沉數

山梔 炒 枳殼 大黃 煨 升麻
牛旁子 炒 鬱金 等分

右水煎服或為細末每服三錢蜜水調下
清肝益營湯 八三 治 肝膽小腸經風熱血燥筋攣結核或耳項胸乳脇肋作痛並一切肝火之證

山梔 當歸 木瓜 不犯錢 茯苓 各一錢
柴胡 芍藥 炒 川芎 各七分 龍膽草 八分

白木二錢 熟地半錢 炙甘草五分

右薑水煎服

清心湯八四

治瘡瘍腫痛發熱飲冷脉沉實睡語不寧右方

即防風通聖散每料加黃連五錢每劑用一兩水煎服方在

攻陣十六

濟陰湯八五 治瘍毒純陽腫痛發熱

連翹二錢

山梔炒

黃芩炒

黃連炒

甘草各一錢

芍藥半錢

牡丹皮一錢二分

金銀花三錢

水煎服○大便若秘量加大黃

地骨皮散八六

治瘡瘍氣虛內熱煩渴不寧

人參

黃芪

生地黄

地骨皮

柴胡各一錢半

白茯苓

石膏煨

知母各一錢

水薑煎服

一味苦參丸八七

治一切癰疽毒瘡癩腫作痛或煩躁

苦參不拘多少為末

右用水糊丸桐子大每服二三錢温酒下

陳氏苦參丸八八

治遍身搔痒癬疥瘡瘍

苦參四兩

玄參

大黃

獨活

枳殼

防風各二兩

黃芩

梔子

菊花各一兩

右為末煉蜜丸桐子大食後茶酒任下三四十九日三服

五利大黃湯八九

治疔毒焮腫赤痛煩渴便秘脉實而數

大黃煨

黃芩

升麻各二錢

芒硝

梔子各一錢半

水一鍾半煎六分空心熱服

清涼飲九十

治癰瘍熱毒熾盛大便秘結○此即前連翹消

景岳全書

卷之六十四

二十

毒散

連翹 一兩

大黃

山梔子

薄荷

黃芩 各五錢

甘草 一兩

朴硝 二錢

右每服一兩水煎服

宣毒散 九一

治一切癰毒其功不可盡述

大黃 煨

白芷

各五錢

水二鐘煎一鐘食前服

立齋口此方乃宣通攻毒之劑若脈沉實便秘者毒在臟也

宜服之其功甚大若臟腑調和脈不實者不可用醫林集要

方用大黃一斤白芷六兩為末每服三錢熱酒調下更用茶

清調搽患處名曰萬金散蓋因其功而珍之也或用水跌為

法以便於服亦可吳江申僉憲兄患背疽堅硬脈沉實乃毒

在內用一服大小便下污物再服而消恐患者忽此一藥故

以此嘗驗者告之

拔毒散 九二

治一切癰疽腫毒其功不可盡述

乳香

沒藥

當歸

川山甲

木鱉子

連翹 各一錢

甘草 各五分

瓜蒞仁 八分

牙皂 炒

貝母 各七分

忍冬藤 二錢

大黃 生熟各一錢半

右水酒各一鍾煎一鍾食前服○此方攻毒止痛化膿之良

劑也屢用屢驗若膿成或已潰者大黃可不用恐泄其真氣

則膿者難潰潰者難斂也亦有膿雖潰脈仍洪數或沉實喜

冷者火邪尚在又所宜用

內疎黃連湯 九三

治瘡瘍發熱而嘔大便秘結脈洪而實

黃連

芍藥

當歸

檳榔

木香

黃芩

梔子

薄荷

桔梗

甘草 各一錢

連翹

大黃 各一錢半

薑水煎仍量虛實治之

桃仁湯九四

逐瘀血

蘇木 各一兩

生地黄 五錢

蜜虫 去足炒

水蛭 各三

右每服三錢水一盞煎六分空心服

漏蘆湯九五

治腦疽癰疽毒成貫者

漏蘆

黃芪

甘草

連翹

沉香 各五錢

大黃 微炒

右每服四五錢薑棗水煎服

千金漏蘆湯九六

治癰疽發背丹疹時行熱毒赤腫焮痛

漏蘆

黃芩

白蘇

連翹

枳殼 炒

升麻

粉草

麻黃 去節

大青 暴燥

朴硝 各一

右每服五六錢薑水煎去粗空心服下惡物為妙

漏蘆升麻湯九七

治時毒頭面紅腫咽噎堵塞水藥不下若

臍腑素有積熱發為腫毒疔瘡一切紅腫惡毒

漏蘆 二錢

升麻 一錢

黃芩 酒洗

生甘草

玄參

牛旁子 炒研

苦梗

連翹 各一錢

藍葉 如無用大黃 酒五量輕

水煎服大利之結者加芒硝

潤腸丸九八

治脾胃伏火大腸乾燥或風熱血結宜用此丸

通之若結在直腸宜用豬膽汁導之蓋腎主五液開竅於二

陰若津液滋潤則大便通調若津液不足脾氣虧損必當培

補乃忌此藥

桃仁 去皮

麻子仁 各一兩

羌活

歸尾

大黃 炒

皂刺

秦艽 各五錢

右各另研為末煉蜜或猪膽汁九桐子大每服三四十九白
湯下若用猪膽汁導而糞不結燥者須急補元氣
沒藥丸 九九 善逐滯血

當歸 一兩

桂心

芍藥 各半

桃仁 去皮

沒藥 各三錢

蜜虫 去足

水蛭 各三錢

右為末醋糊丸桐子大每服三五九空心醋湯下

當歸丸 百 行血利水通大便

當歸 半兩

大黃

桂心 各三錢

赤芍藥

葶藶 各二錢

人參

甘遂 麥畏炒

煉蜜丸如彈子大空心米飲化下一九

破棺丹 百一 治瘡瘍熱極汗多大渴便秘譫語發狂

大黃 二兩半生熟

芒硝

甘草 各二兩

右為末煉蜜丸彈子大每服一九重便消化下白湯亦可

忍冬酒 百二 解諸癰毒

忍冬藤 鮮者四五兩若乾者止用一兩搗

大甘草節 一兩生用

二味入砂鍋內以水二鍾煎至一鍾再入無灰酒一鍾又煎不
數沸去粗分三服病重者晝夜兩劑云子大小便通利為度另
用忍冬藤研爛入酒少許釀患處

金銀花酒 百三 治一切癰疽發背疔毒喉痺等證

用金銀花藤葉搗爛取汁半鍾和熱酒半鍾溫服甚者不過
三五服可保無虞

槐花酒 百四 治癰瘍執毒最妙

用槐花四五兩炒微黃乘熱入酒二鍾煎十餘滾去粗執服
未成者二三服已成者一二服但察其有熱毒未清者皆可
用槐花治濕熱之功最為神速惟胃寒者不宜服大抵腫毒

非用蒜灸及槐花酒先去其勢雖用托裏諸藥其效未必甚速

蒲公英酒百五 治乳癰吹乳不問已成未成皆可用

用蒲公英一握搗爛入酒半鍾取酒溫服相貼患處甚者不過三五服即愈

遠志酒百六 能托散諸毒治女人乳癰尤效

遠志 不拘多少用米泔浸洗槌去心

右為末每服三錢用好酒一鍾調遲少頃澄清飲之以滓敷患處

牛膝酒百七 治楊梅風毒腰痛

牛膝 川芎 羌活 五加皮

杜仲 甘草 地骨皮 薏仁各一

生地黃兩 海桐皮二兩

右咬咀用帛裹入無灰酒浸二七日夏月三五日每服一至日三五次

消瘻酒百八

昆布二錢 海藻五錢 沉香 雄黃各一錢

海螵蛸二末

右為用用好酒一升湯煮任意每服一二鍾或浸十餘日亦可飲

桑枝煎百九 大治口渴

取嫩桑枝細切一升炒以水三升煎一升日服三五劑更多

尤妙抱樸子云療風痺乾燥臂痛脚氣四肢拘攣上氣眩暈久服補肺消食利小便輕身耳目聰明令人光澤其功不能盡述

盡述

神仙截法百十 治癰疽發背一切惡毒預服則毒氣不入肉

真麻油

一斤銀器內熬十數沸候冷

右用酒兩碗入油五盞通口熱服一口口用盡緩則數日服之
○吳安世云吾家三世用之無有不效又聞獵者云凡中藥
箭急飲麻油藥毒即消屢用甚驗○世以右方凡大便秘結而
毒蓄於內者最宜用之以疏通其毒盡口陰毒及大便不實者
乃非所宜

砭法百一

治丹毒疔瘡紅絲走散或時毒瘀血壅盛用細磁器擊碎取
有鋒銳者一塊以筋一根劈開頭尖去之用線縛定兩手指
輕撮筋尾令磁鋒正對患處約懸寸許可再用筋一根頻擊
筋頭令毒血遇刺皆出毒自滅退若毒氣入腹膨脹者難治
刺少商穴百十二 治咽喉急痛

穴在手大指內側去爪甲角如韭葉刺入二分許以手自臂

勒至刺處出血即消若重而膿成者必須針患處否則難治

洪丞相麒麟法百十三

凡癰瘍勢熾毒盛血凝不散者宜用

此法以殺其勢

治癰初作先以筆管一箇入大碼哩一條以管口對瘡頭使
麒麟吮惡血得去其毒即散如瘡大須換三四條若吮正穴麒
必死矣屢試屢效若血不止以藕節上泥塗之即止若瘡頭
不明以井邊泥塗上先乾處即是

騎竹馬灸法百十四

治一切瘡瘍無有不愈

其法令病人以手肘凭几而坐男左女右將手臂豎起要直
乃用竹篾一條自臂腕中曲處橫紋間量起貼肉直上至中
指尖盡處截斷為則不量指甲另用竹扛一條令病人脫衣
正身騎定前後用兩人扛起令病者脚不着地仍使人扶定
勿令偃僕却將前量臂篾從竹扛上尾骶骨坐處直貼脊背

量至篋盡處記之此取中之處非灸穴也又用薄篋量男左
女右手手中指節兩橫紋處截爲同身寸法將此寸篋卽安前
脊中點記處兩邊各開一寸盡處卽是灸穴各灸五七壯疽
發於左則灸右疽發於右則灸左兩邊俱甚則左右皆灸蓋
此穴乃心脉所過之處凡癰疽皆心火之留滯灸此則心火
流通而毒自散矣有起死回生之功屢試屢驗

神仙隔蒜灸法 百十五

治一切癰疽瘡毒大痛或不痛或麻

木及治一疔毒氣熾盛使諸疽不能起發已起發者不能貫
膿已貫膿者不能收靨等證如痛者灸至不痛不痛者灸至
痛其毒隨火而散此攻散鬱毒從治之法也大有回生之功
其法用大蒜頭去皮切三分厚安瘡頭上用艾壯於蒜上灸
之五壯換蒜復灸或三五十壯或一二百壯愈多愈妙未成
者卽消已成者亦殺其大勢不十爲害如瘡大用蒜搗爛攤

患處將艾鋪上燒之蒜收再換或陰毒紫白色不起發不痛
不作膿者尤宜多灸仍服托裏之劑如灸後仍不痛或不作
膿不起發者不治此氣血虛極也

附子餅 百十六

百十六

治潰瘍氣血俱虛不能收斂或風寒襲之以

致血氣不能運行皆令不斂用炮附子去皮臍研末以唾津
和爲餅置瘡口上將艾壯於餅上灸之每日灸數壯但令微
熱勿令痛如餅乾再用唾津調和務以瘡口活潤爲度

豆豉餅 百十七

百十七

治瘡湯腫毒硬而不潰及潰而不斂並一切

頑瘡惡瘡用江西豆豉餅爲未唾津和作餅子如錢大厚如
三文錢置患處以艾壯於餅上灸之乾則再易如灸背瘡用
漱口水調餅覆患處以艾鋪餅上灸之如未成者卽消已成
者亦殺其大毒如有不效必氣血虛敗也

木香餅 百十八

治一切氣滯結腫或疔或閃肭及風寒所傷

作痛並效

木香 五錢

生地黃 一兩

右以木香為末生地黃杵膏和勻量患處大小作餅置腫處以熱熨斗熨之

香附餅 百十九

痛

治瘰癧流注腫塊或風寒襲於經絡結腫或

用香附為末酒和量瘡毒大小作餅覆患處以熱熨斗熨之未成者內消已成者自潰若風寒濕毒宜用薑汁作餅

神效桑枝灸 百二十

治發背不起或癰肉不潰此陽氣虛弱用桑枝燃着吹熄其焰用火灸患處片時日三五次以助腫潰若腐肉已去新肉生遲宜灸四畔其陰瘡癰癧流注腫瘡惡瘡久不愈者亦宜用之大抵此法未潰則解熱毒止疼痛消癰腫已潰則補陽

氣散餘毒生肌肉若陽證腫痛甚或重如負石初起用此法出毒水即內消其日久者用之雖潰亦淺且無苦楚惜患者不知有此治者亦不肯用此也

神效葱熨法 一二一

治流注結核骨癰鶴膝肢體腫塊或痛

或不痛或風寒襲於經絡流注肢體筋攣骨痛或跌撲損傷止痛散血消腫之良法或先用隔蒜灸法而餘腫未消最宜用熨以助氣血而行壅滯其功甚大用葱頭細切杵爛炒熱敷患處冷即易之再或熱熨數次腫痛即止其效如神○或用葱煎湯薰洗傷處亦妙○或用葱一大把束其數節切為薄餅置患處用熱物熨之或鋪艾灸之亦可必易餅多熨為妙

神仙薰照方 一二二

雄黃

硃砂

血竭 真者

沒藥 各一

右五味研細末用綿紙捲為粗撚約長尺許每撚中入藥三分爨定以真麻油潤透點灼瘡上須離瘡半寸許自紅暈外圍周圍徐徐照之以漸將撚收入瘡口上所謂自外而內也更須將撚猛向外提以外毒氣此是手法此藥氣從火頭上出內透瘡中則毒隨氣散自不內侵臟腑初用三條漸加至五七條瘡勢漸消可漸減之薰籠隨用後敷藥

廣陵李柱云背瘡所患惟內攻與外潰耳證屬火毒醞釀斯成不能外散勢必內攻不能中出勢必傷潰醫者往往以涼藥圍解多懼此二患又陰瘡不起發者止有隔蒜灸一法然亦未見鑿鑿取效此方初用藥撚薰照以火引火毒氣外散後用藥敷圍追膿止痛毒從孔敷及瘡頂中出可免傷潰矣陰瘡一照即起紅暈狀加蒸餅變為陽證可保無虞此其奇

中大畧也照法日每一次初次用撚三根或四根次日用四根或五根再次漸至六七根止大率看瘡輕重酌撚多寡重者不過六七日腐肉盡化為膿從瘡口中陸續湧出新肉如石榴子纍纍而生此時不必再照圍藥終始如一隨瘡勢大小漸漸收入照圍後不可聽醫用膏藥貼蓋以致毒氣怫鬱止剖葱葉量瘡口貼之凡照時先須用猪蹄煎湯澄清洗去圍藥如法薰照待瘡勢大愈肉生將蒲始可用生肌散或護以太乙膏平復後膏藥猶不可離此其始末細微也內服者大要不出十宣散護心散等方最忌寒涼恐傷胃氣此瘡由惱怒鬱結厚味所致受病以年計愈久則愈甚也調攝之法非懲忿窒慾清散托裏治以前方即虛扁復生有望而走耳又前方初止治背疽其後一切腫毒無不收功蓋法無定則醫貴變通神而明之存乎其人耳余不佞善病故留心方術

然未經累驗不輕授人此一方初驗於化南再驗於陳大叅
景由及范中翰舍初其他證亦會用以推廣皆應手取效輒
贅其詳於此其傳則道人孫氏今大播廣陵余先慈賴以保
安者廿年云

池陽來陽伯云王孝廉良甫爲余言廣陵人有善神燈照者
療渠發背神良已求得其禁方矣余識之已酉歲余客廣陵
偶析腫比于股招所謂善療者照之不膿得愈又館友胡舍
素患發背大如覆盂神憊憊矣延瘍醫至束手待肉腐糜
方可用膏徐長肌肉問其術曰至此問其候曰百日果如其
說則舍素將成烏有矣遂急同弟輩求得前方刻本按法治
之一日痛止二三日神清如脫桎梏釋重負肉腫如盂者日
縮而小並未嘗腐糜也不月餘膿盡爽然起矣奇矣哉不表
而汗不針而潰不灸而陷舉不補而實不下而毒盡凡醫人

之針刺不必用也至理歸於易簡大道本在日前所謂不可
不思議者也古今道術入妙者皆如此類茲重刻之故爲此
敘

曲梁聶雲翰云戊戌春暮余病疽京邸疽據背中前與心對
初發微若黍粒搔之痛痒闔心寒熱交作甫十日大若升再
十日大若斗食逆便結匝月目不一瞬醫方所載諸死候業
已十犯八九兩絕復甦自分無生手條後事偶從楊楚璞得
李肖衡所傳異人指授仙方如法薰敷越二日毒漸解迺有
起色不易方而竟就痊距初發浹旬歸家出以試人輕僅
踰月重亦不出百日靡不起者蓋余所感毒極重勢極大又
治極遲卽二三內外科名家皆束手失色以爲從所未聞未
見及試人則取驗更捷蓋感有輕重治有遲蚤也顧念非此
異方不能起余必死異證非余起死回生不能白此方之神

異余以此方活安忍天下人以此證危因慮此方莫獲廣沛於天下又慮天下忽視此方而不加篤信或亂於耻功不已出之醫口疑似轉盼間致悞大事而毋無及也因贅數語以爲此方之引

咸林王維英云丙午端陽日余左臂患疽其大如拳用騎竹馬法灸之百十壯疱起如銅錢四圍腫覺退筭中蓄此仙方命製藥料欲俟破後薰之不識其初亦可薰也客有備言可薰者因於當日即薰十條瘡頂高收四圍色白夜間毒肉從邊化爲稠膿徐徐內潰粘同膠鱗每日如法薰照洗貼五六日中尖毒肉脫落一條共有十二孔瘡外一指許傍串三孔且痛且痒即極力照之初出黃水次出稠膿後流清漿瞬息口收並未再串其原載敷藥長安中若不產菴發五龍二草止用金銀花三色敷之乾則覺痛即去之不敷並未用生肌散惟護以太乙膏月餘盡痊當此瘡將愈左臂又患一疽正對無二即照撚十條敷以麩炒醋調六蛤膏一日數更次日五條三日頂破膿出不痛不痒其毒盡散同時有患別瘡者余付此藥薰之隨薰即散並未成形迺知是方也真仙方哉真仙方哉持此瘡瘡天下無瘡天余恐世人但知瘡破後可照不識照初發者尤易散又恐因敷藥不全並棄前方不識敷藥不用亦可也故備述終始以神此方之用

洗藥神效散 一二三

洗陰濕諸瘡

蛇床子 二兩

朴硝 一兩

右每用一兩水二碗煎數沸洗瘡拭乾慘生肌藥

雄黃解毒散 一二四

治一切癰腫潰爛毒勢甚者先用此藥

一二三次以後用猪蹄湯

雄黃 一兩

白礬 四兩

寒水石 兩半

右俱為末用滾湯一二三碗乘熱入藥末一兩洗患處以太乙膏或神異膏貼之

猪蹄湯 一二五

治一切癰疽杖瘡潰爛去惡肉潤瘡口止痛

白芷

黃芩

當歸

赤芍藥

獨活

生甘草

露蜂房

連子者佳 各五錢

用猪蹄一隻水四五碗煮熟去油相取清湯入前藥一兩許

煎十數沸去粗溫洗惡肉隨洗而下隨用膏藥貼之○按此

湯不必用黃芩或以白礬易之更佳

集香散 一二六

洗癰疽潰爛

白芷

藿香

茅香

香附

防風

木香

甘草

各三錢

右用水三碗煎數沸去粗淋洗患處

立齋曰此乃馨香之劑也血氣開香則行得臭則逆也凡瘡

毒將盡未盡宜用之若有瘀肉宜先用雄黃解毒散解之後

用此方洗後須即用膏藥貼護勿使風入肌肉易生直至收

口為度最忌用生肌之藥

敷藥方 一二七

車前草

葦荻草

金銀花

五爪龍草

右四味鮮草一處搗爛加多年陳米粉即常用襪衣者初起

時仍加飛鹽少許共調為稠糊敷瘡上中留一頂按膿出若

冬時無鮮者用乾葉為末陳醋調敷亦可或五龍草一時難

得即單用四味亦能奏功不必拘執也○陽伯曰瘡毒初起

毒盛者須內服敗毒藥數劑其有氣血薄弱者亦須用托裏

藥數劑則萬全之計耳

秘傳圍藥鐵井欄 一一八

敷一切惡毒即收斂消腫神效

牛糞灰

曬乾燒灰用新磁罐盛之乾處加倍用

鐵線草

草烏

文蛤

白芨

白欬

貝母心

陳小粉

炒極一黃色
各等分

右為末用高醋熬熱調藥如糊敷瘡四圍中留錢孔以出毒氣乾則易之瘡勢惡甚者用飛龍奪命丹等藥出汗無不效

大黃揭毒散

大黃

半兩

白芨

一兩

朴硝

二兩

敷熱癰腫毒

右為末井水調搽乾則潤之

草烏揭毒散

百三十

治一切癰疽腫毒

芙蓉葉

草烏

貝母

天花粉

南星

右為末用醋調搽四圍中留頭出毒如乾用醋潤之

抑陰散

一三一

治瘡瘍元氣虛寒燥腫不消或不潰飲或筋

攣骨痛一切冷證

草烏

二兩

南星

煨

赤芍藥

炒

白芷

各一兩

肉桂

五錢

右為末葱湯調塗熱酒亦可

抑陽散

一三二

一名洪寶丹○治瘡屬純陽

痛發熱

天花粉

三兩

薑黃

白芷

各一兩

赤芍藥

各一兩

右為末茶湯調搽患處

陰陽散

一三三

治瘡屬半陰半陽

紫荆皮

炒五兩

獨活

去節炒三兩

赤芍藥

炒

白芷

各一兩

石菖蒲

各二兩

右為末葱酒調搽

神功散

一三四

諸發背癰疽及諸瘡不問腫潰皆效

黃栢

炒

草烏

炒各一兩

右為末用漱口水調入香油少許搽患處如乾仍用水潤之

清涼救苦散 一三五 治大頭瘟腫甚者以此藥敷之

芙蓉葉 霜桑葉 白欬 白芨

大黃 黃蓮 黃芩 黃柏

白芷 雄黃 芒硝 山茨茹

赤小豆 南星 金線重樓

右等分爲末蜜水調敷腫處以翎頻掃之

二黃膏 一三六 敷一切腫毒熱浮在外或時氣熱壅者

黃柏 大黃 各等分

右爲末用醋調傅如乾用水潤之

廻陽玉龍膏 一三七 治陰疽發背寒邪流注風濕冷痺諸腫

氣冷痛無紅赤者及跌撲所傷爲救涼藥或人元氣虛寒腫

不消散或不潰斂及癰腫堅硬肉色不變久而不潰潰而不

斂或鼓雄風筋攣骨痛一切陰寒冷證第一藥也

草烏 肉桂 各五錢 薑黃 炒 南星 煨

白芷 赤芍藥 炒各一兩

右爲末葱湯或熱酒調塗

冲和膏 一三八 治一切瘡腫不甚焮熱積日不消

紫荊皮 炒五兩 獨活 去節炒三兩 赤芍藥 炒二兩 白芷

菖蒲 各兩

右爲末葱頭煎湯調搽

麥飯石膏 一三九 治瘡疽初起先以麥飯石膏塗之俟瘡根

漸收卽敷神異膏斂之但麥飯石膏難於脩合用神異膏亦

效

白麥飯石 炭火煨醋淬數次研極細二兩○據本草所

載凡石如飯團粒粒粘結成塊者卽是皆可用也

鹿角 生取帶腦骨者斷之用炭火燒烟盡研極細四兩

右用米醋調和入砂器煎以竹片不住手攪熬成膏先用猪蹄湯洗患處以鵝翎拂塗四圍乾則以醋潤之若腐爛者用布帛攤貼之○李氏曰麥飯石膏治發背癰疽神妙惜世罕知有患癰不潰而危者全用此膏一夕頓潰凡疽得膿其毒始解或有不潰者須用此膏故錄之俾精擇修合以取十全之功也嘗見世間醫者每有妙方秘而不傳或更改以惑人誠可惡也余思西華麥飯石膏守死不傳其立心私刻君子鄙之矣

黑末子 百四十

治癰毒

用羊角連內骨燒存性為末酒調三錢分上下服之瘡可散○立齋曰此方未嘗用蓋秘方也嘗治面上或身卒得赤斑或痒或癩毒此而不治亦乃殺人以殺羊角燒存性研為極細末以雞子清調塗之甚效本草亦云然

乳香定痛散 一四一

治瘡瘍潰爛疼痛不可忍諸藥不效者

乳香

沒藥

各二錢

寒水石

煨

滑石

各四錢

水片 一分

為細末搽敷患處痛即止此方乳沒性溫佐以寒劑制之故寒熱之痛皆妙

烏金膏 一四二

治發背中央肉死塗之即腐未死塗之即生若初起腫痛用點數處則解毒頓消若瘀肉腐黑塗之即潰若惡瘡頑瘡元氣無虧久不收斂者內有毒根以紙撚蘸紅其內有等發背因元氣虛弱或因剋伐元氣虧損毒氣散漫中黯外赤不腐不潰須服大補之劑中塗三四寸許至五六日間赤黯之界自有裂紋如刀割之狀中央漸潰漸脫內用純陽之藥以接其元氣庶能收斂若妄用刀鍼去肉出血則陽隨陰散元氣

愈傷或塗涼藥則毒氣不解氣血愈虛非徒無益適以害之矣○其方用巴豆去殼炒黑研為膏點腫處或塗瘡肉上則自消化或加乳香少許亦可如塗瘡內或加香油少許調稀可用若餘毒不斂者以此紙之不致成痛

透骨丹 一四三

此潰膿藥外科不可缺

蟬酥

硼砂

輕粉

巴豆 各五錢

蝸牛 二箇

麝香 一分

右先將巴豆研如泥次入蝸牛麝香再研後入各藥研極細以小磁瓶收藏每用少許以乳汁化開先用鐵輕輕撥破毒頭挑藥米粒許納於瘡口外用清涼膏貼之

鐵頭散 一四四

治一切頑瘡內有膿管瘻肉或癰癧結核不

化瘡口不合宜此藥迫蝕腐之

赤石脂 錢五

輕粉

麝香 各五分

乳香

白丁香

各三錢 生砒

真丹 各一錢

蜈蚣 一條 炙乾

右為末搽瘡肉上其肉自化若瘡口小或痔瘡用糯米糊和作細條陰乾紙入外以膏藥貼之凡瘡口久不合者內有膿管必須用此腐之內服托裏之藥

代鍼膏 一四五

治瘡瘍膿熟不潰

乳香 二分

白丁香 真者

巴豆 炒焦

砒 各五分

右為末熱水調點瘡頭上常以碱水潤之勿令其乾替鍼丸 一四六 治膿成不潰者

白丁香

礪砂 另研

真沒藥

乳香 各一錢

糯米 四十粒 先以礪灰拳大一塊置磁碗內量入井水待熱氣將息以米排入灰中良久候米如水晶狀取出用之如米未就再用灰製

右各另為末然後和勻收貯用時以飯丸麥粒大每用一粒

水濕粘瘡頭上其膿自出○凡瘡瘍血氣壯實膿成不潰者
宜用此藥以洩其毒則肌肉易生瘡口易斂若氣血虧損者
須用甘溫之劑以培根本否則不惟不潰且難收斂若附骨
疽反緊要之地當及時針砭出之為善

三合散

治癰疽不肯作膿

新巴豆肉

明砒

斑貓等分

右為細末紅瘡內惡肉自化

立齋曰此方藥性大毒果有惡毒之證宜用腐之取其以毒
攻毒也若以陽氣虛不能腐化成膿者宜用大補之劑及桑
木灸之丹溪云氣血壯實膿自湧出大抵瘡之潰斂遲速總
由血氣之盛衰使然也

熬蘆膏

一四八

治一切瘡疽肉突出不問大小長短用熬蘆一味為末以

生豬脂和研如膏涂患處周日易之

生肌散

一四九

治瘡口不合

木香

輕粉各二錢

黃丹

枯礬各五錢

右為細末用豬膽汁拌勻晒乾再研細摻患處

立齋曰此方乃解毒去腐搜膿之劑非竟自生肌藥也蓋毒
盡則肉自生常見患者往往用龍骨血竭之類以求生肌殊
不知餘毒未盡肌肉何以得生反增腐爛耳若此方誠有見
也

收口糝藥

百五十

李氏云龍遊有患背疽者大潰五臟僅隔膜耳自謂必死用
鱈魚去腸實以羯羊糞烘燥為末乾糝之瘡口自收此出洪
氏方屢用有效故附於此須候膿少欲生肌肉時用之
桔梗湯 一五一 治欬嗽吐膿痰中有血胸膈兩脇作痛煩悶

作渴或出臭濁已成肺癰證

桔梗炒

貝母

當歸酒浸

瓜蒌仁

枳殼炒

薏仁

桑白皮炒

百合蒸各一錢五分

五味子炒

知母炒

地骨皮

甜葶藶炒

甘草節

防己

黃芪

杏仁各五分

水二鐘煎服

生濟 桔梗湯 一五二

治肺癰欬嗽膿血咽乾多渴大小便赤澀

方如前但少五味葶藶知母地骨皮四味

用水二鐘置五片前穴分食遠服大便秘者加大黃

人參五味子湯 一五一 治氣血勞傷欬膿咯血寒熱往來夜

出盜汗羸瘦困乏一切虛損肺痿之證並治

人參

五味子炒

熟地黃

當歸酒炒

白朮炒

白茯苓

炙甘草

陳皮

桔梗炒

前胡各一錢

黃芪各一錢

地骨皮

桑白皮炒

枳殼炒

柴胡各七分

水一鍾半生薑三片煎八分食後服

四順散 一五四 治肺癰吐膿五心煩熱雜悶欬嗽

貝母去心

紫苑去曲

桔梗炒各一錢

甘草七分

水一鍾半煎七分食遠服如欬嗽加杏仁亦可為末白湯調

服

合歡飲 一五五 治肺癰久不斂口

用合歡皮

白斂

二末同煎服

合歡皮即椹樹皮也

亦名夜合

紫苑茸湯 一五六 治飲食過度煎燒傷肺欬嗽咽乾吐痰

唾血喘急脇痛不得安臥肺痿等證

紫苑茸去苗

桑葉經

款冬花

百合蒸焙

杏仁去皮

阿膠炒

貝母去心

半夏

清黃炒各一錢

人參

犀角錢木

甘草炙各五分

水一鍾半生薑三片煎七分入犀角末食後服

升麻湯一五七

治肺癰胸乳間皆痛吐膿腥臭

川升麻

桔梗炒

薏苡仁

地榆

黃芩炒

赤芍藥炒

牡丹皮

生甘草各一錢

水一鍾煎八分食遠服

如金解毒散一五八

治肺癰

桔梗一錢

甘草一錢

黃蓮炒

黃芩炒

黃柏炒

山梔炒

水一鍾煎八分徐徐降

續飲之不可急服○按此方乃降火

解毒之劑也凡發熱煩

渴脉洪大者用之即效若脉數欬痰

腥臭或唾膿痰者宜用

桔梗湯

如聖栝黃丸一五九

治肺癰欬而腥臭或唾膿痰不問膿之

成否並效肺家之病雖

有方惟此方功效甚捷不可忽之

栝黃一兩

百齒霜即梳垢二錢

用糊為丸如桐子大每服三五丸米飲下○栝黃乃栝樹

所生者其色黃狀如靈之江南最多北方鮮有

葶歷散百六十

治過食

則膈或飲酒過度致肺壅喘不能臥

及肺癰濁唾腥臭

甜葶歷

桔梗炒

瓜蒌仁

川升麻

薏苡仁

桑白皮炒

葛根各一錢

甘草各五分

水一鍾半生薑三片煎八分食後服

知母茯苓湯一六一 治肺痿喘嗽不已往來寒熱自汗

知母炒

茯苓

炙甘草

人參

白朮

五味子炒

麥門冬

半夏製

薄荷

枯梗

柴胡

款冬花各一錢

阿膠蛤粉炒

黃芩炒

川芎五分

水二鍾薑三片煎一鍾食遠服

四味排膿散一六二

治肺癰吐膿五心煩執蕪悶欬嗽

嗽黃芪鹽水炒

白芷

五味子

人參等分

右為細末每服三錢食後蜜湯調下

八味排膿散一六三

治腸癰少腹脹痛裏急後重脈滑數或

時時下膿

黃芪炒

當歸酒拌

金銀花

川山甲蛤粉炒

白芷

防風

連翹

瓜蒌各三錢

水二鍾煎八分食前服或為末每服三錢食後蜜湯調下如

膿將盡去川山甲連翹倍當歸加川芎

薏仁湯一六四 一名瓜子仁湯 治腸癰腹中疝痛或服

滿不食小便短澁婦人產後多有此證縱非癰服之尤效

薏苡仁炒

五瓜二仁三錢 牡丹皮

桃仁去皮尖

右水煎空心服

牡丹皮散一六五

治腸癰腹濡而痛時時下膿

牡丹皮

人參

黃芪炒

白茯苓

天麻

白芷

桃仁去皮

薏苡仁

當歸

川芎各一錢

官桂

甘草各五分

木香三分

右水煎服

梅仁湯一六六

治腸癰壅痛大便秘澁

梅仁九個

大黃炒

牡丹皮

芒硝

犀角鎊各錢

冬瓜仁研

右水煎入犀角末服

大黃湯 一六七

一名

丹皮湯○專治腸癰小腹堅腫而熱按之則痛肉色如故或厥赤微腫小便頻數汗出憎寒其脈沉緊膿未成者急服之

牡丹皮

瓜蒌仁 各三錢

桃仁 去皮

大黃 煨

芒硝 各二錢

水二鍾煎一服食前服○本方去瓜蒌即名大黃牡丹湯○

立齋曰此方乃行血破血之劑也如發熱自汗惡寒小腹作痛小便如淋脈浮未數者有效丹溪曰小腹腫痞按之痛小便如淋或自調經熱身無汗復惡寒其脈遲緊者膿未成宜下之當有血此結熱所成也故金匱用大黃利之即此方也若無前證恐不宜用其有脈滑數腹內脹痛或時時後重而膿已下宜用八味排膿散膿九及托裏之藥

射干湯 一六八

治胃脘痛吐膿血

射干 去毛

山梔仁

赤茯苓

升麻 各一錢

白朮 五分

赤芍藥 一錢

右水煎服

槐花散 一六九

治腸風臙毒下血

槐花 炒

熟地黃

青皮

白朮 炒

荆芥穗

當歸身 酒

升麻 各一錢

川芎 四分

右為末每服

三錢空心米飲調下水煎服亦可

除濕和血湯 百七十

方在和陣二一九

治陽明虛陷濕熱復血腹痛

夏枯草湯 一七一

治瘰癧馬刀已潰未潰或日久漏者

夏枯草 六兩

水一鐘煎七分去粗食遠服○此生血治瘰癧之聖藥虛甚

者宜前瀉營服並塗 庭多服益善兼十全大補湯加香附

貝母遠志尤善

必效散 一七一

治癩癧氣血尚無虧損癧核不愈內服此藥

外以鉞頭散腐之若氣血虛者先服益氣養營湯數劑後服

此藥服後麻毒盡下再服前湯數劑

南礪砂 一錢

生

輕粉 一錢

麝香

五分

巴豆

五個

白檀榔 一

個

班猫

四十個去頭翅同糯米炒

右同為極細末取鷄子二個去黃用清調藥仍入殼內以濕

紙數重糊口入飯甑蒸熟取出曝乾研末虛者每服半錢實


者一錢用炒生薑酒或滾湯於五更調服如覺小腹痛用益

元散一服其毒俱從小便出胎婦勿餌磨毒去後多服益氣

養營湯磨口自合○此藥班猫巴豆似為峻利然巴豆能解

班猫之毒田岩者勿畏于於京師遇一富商項有癩痕一片頗

大詢其由彼云因怒而致困苦二年百法不應忽有方士與



愈内服